



Broj: 04-2342-2/20

Datum: 04.01.2021.godine

Na osnovu člana 44. tačke 5. Zakona o zapošljavanju i pravima za vrijeme nezaposlenosti Brčko distrikta BiH ("Službeni glasnik Brčko distrikta BiH" broj 33/04, 19/07 i 25/08), člana 27 tačka a) Statuta Zavoda za zapošljavanje Brčko distrikta BiH – prečišćeni tekst (br.04-111/20 i 04-1372/20), člana 17 stav (2) Pravilnika o mjerama za podsticaj zapošljavanja – prečišćeni tekst (br.04-115/20), Odluke Vlade Brčko distrikta BiH o usvajanju Programa samozapošljavanja u poljoprivredi na području Brčko distrikta BiH u 2020. godini (broj predmeta: 13-003149/20, broj akta: 01.11-1227MD-010/20 od 02.12.2020. godine) i Odluke Upravnog odbora Zavoda za zapošljavanje Brčko distrikta BiH (broj:04-2342/20 od 31.12.2020.godine), Zavod za zapošljavanje Brčko distrikta BiH, dana 04.januara 2021.godine objavljuje

JAVNI POZIV

za prijavu po Programu samozapošljavanja u poljoprivredi na području Brčko distrikta BiH u 2020. godini

1. CILJ JAVNOG POZIVA

Javni poziv ima za cilj realizaciju Programa samozapošljavanja u poljoprivredi Vlade Brčko distrikta BiH, na području Brčko distrikta BiH u 2020. godini, kao doprisona razvoju poljoprivrede u Brčko distriktu BiH kroz stvaranje uslova za samozapošljavanje lica koja se nalaze na evidenciji Zavoda za zapošljavanje Brčko distrikta BiH (u daljem tekstu: Zavod) i lica koja su registrovala poslovnu djelatnost u 2020.godini na području Brčko distrikta BiH, s tim da su se prije registracije poslovne djelatnosti vodila, u Zavodu, na evidenciji lica koja aktivno traže zaposlenje u Zavodu, a realizuje se vidu finansijske podrške za lica koja žele započeti ili su započeli poljoprivrednu proizvodnju.

2. KORISNICI PROGRAMA IZ JAVNOG POZIVA

- (1) Korisnici programa mogu biti nezaposlena lica koja ispunjavaju opšte kriterije iz ovog programa, i koja su prošla obuku iz oblasti preduzetništva po ovom programu za 2020. godinu ili su prošla obuku po Programu samozapošljavanja u poljoprivredi na području Brčko distrikta BiH u 2018. i 2019. godinu koju je organizovalo Odjeljenje za poljoprivrednu, šumarstvo i vodoprivredu (u daljem tekstu: Odjeljenje), kao i ona lica koja su prošla obuku po programu samozapošljavanja iz 2015., 2016., 2017., 2018. i 2019. godine koju je organizovalo Odjeljenje za privredni razvoj, sport i kulturu.
- (2) Odjeljenje za poljoprivrednu, šumarstvo i vodoprivredu (u daljem tekstu Odjeljenje) obezbijediće organizaciju i izvođenje edukacije za aplikante navedene pod tačkom (1) poglavlja 2 ovog Javnog poziva.
- (3) Opšti kriteriji za izbor kandidata ove kategorije lica su:
 - a) da lice ima prijavljeno prebivalište na području Brčko distrikta BiH, najkraće od 31.12.2016.godine;
 - b) da se vodi na evidenciji lica koja aktivno traže zaposlenje u Zavoda, izuzev lica navedenih pod tačkom (4) poglavlja 2. ovog Javnog poziva,
 - c) da lice pokreće djelatnost iz oblasti poljoprivrede i to:
 - 1) ulaganja u primarnu poljoprivrednu proizvodnju (u biljnu i stočarsku proizvodnju - nabavka ili tov životinja, kupovina i sadnja višegodišnjih biljaka),
 - 2) ulaganja u preradu poljoprivrednih i ribljih proizvoda (mljeka i mlječnih proizvoda, prerade mesa, ribe, prerade voća i povrća, pčelinjih proizvoda),
 - 3) izgradnja, obnova i /ili rekonstrukcija poljoprivrednih objekata i infrastrukture povezane uz poljoprivredni potencijal,



- 4) kupovina mehanizacije i opreme za poljoprivrednu proizvodnju,
- d) da je lice upisano u Registar poljoprivrednih gazdinstava Odjeljenja (kao dokaz upisa u Registar poljoprivrednih gazdinstava u Distriktu, Odjeljenje za poljoprivredu, šumarstvo i vodoprivredu izdaje Potvrdu);
- e) da lice ima dokaz o pravu vlasništva ili pravo korištenja poljoprivrednim zemljištem isključivo na teritoriji Distrikta (kao dokaz o pravu svojine ili pravu korištenja poljoprivrednog zemljišta ili objekta za uzgoj životinja, isključivo na teritoriji Distrikta može se priložiti: zemljišnoknjižni izvadak ili prepis posjedovnog lista ili rješenje Vijeća za izlaganje s popisnim listom(ne starije od 12 mjeseci), ugovor o zakupu, darovni ugovor, kupoprodajni ugovor, rješenje o nasljeđivanju, uvjerenje o pokrenutoj ostavinskoj raspravi i izjava o saglasnosti potencijalnih nasljednika o korištenju poljoprivrednog zemljišta u korist korisnika (ukoliko korisnik nije upisan u zemljišnu knjigu, a u toku je ostavinska rasprava)).

(4) Korisnici programa mogu biti i lica koja su registrovala poslovnu djelatnost u 2020. godini, s tim da su se prije registracije poslovne djelatnosti vodila na evidenciju lica koja aktivno traže zaposlenje u Zavodu.

(5) Opšti kriteriji za izbor kandidata su:

- a) da lice ima prijavljeno prebivalište na području Brčko distrikta BiH, najkraće od 31.12.2016. godine;
- b) da se lice vodi na evidenciji lica koja aktivno traže zaposlenje u Zavodu, izuzev lica navedenih pod tačkom (4) poglavlja 2. ovog Javnog poziva;
- c) da lice pokreće djelatnost iz oblasti poljoprivrede navedenih u poglavlju 2. tačka (3) pod tačkom c) ovog Javnog poziva;
- d) da je lice upisano u Registar poljoprivrednih gazdinstava Odjeljenja (kao dokaz u Registar poljoprivrednih gazdinstava u Distriktu Odjeljenje za poljoprivredu, šumarstvo i vodoprivredu izdaje Potvrdu);
- e) da lice ima dokaz o pravu vlasništva ili pravo korištenja poljoprivrednim zemljištem isključivo na teritoriji Distrikta (Kao dokaz o pravu svojine ili pravu korištenja poljoprivrednog zemljišta ili objekta za uzgoj životinja, isključivo na teritoriji Distrikta može se priložiti: zemljišnoknjižni izvadak ili prepis posjedovnog lista ili rješenje Vijeća za izlaganje s popisnim listom(ne starije od 12 mjeseci), ugovor o zakupu, darovni ugovor, kupoprodajni ugovor, rješenje o nasljeđivanju, uvjerenje o pokrenutoj ostavinskoj raspravi i izjava o saglasnosti potencijalnih nasljednika o korištenju poljoprivrednog zemljišta u korist korisnika (ukoliko korisnik nije upisan u zemljišnu knjigu, a u toku je ostavinska rasprava)).
- (6) Broj lica koja će biti obuhvaćena ovim Programom biće usklađen sa raspoloživim sredstvima.
- (7) Sredstva po ovom programu se ne mogu koristiti za uspis u sudski registar preduzeća.

3. LICA KOJA NE MOGU UČESTVOVATI U PROGRAMU

- (1) U programu ne mogu učestvovati:
- a) lica koja imaju suvlasničke dijelove u firmama;
- b) članovi upravnog, nadzornog odbora u javnom preduzeću ili javnoj ustanovi;
- c) lica protiv koji se vodi krivični postupak;
- d) lica koja nisu na evidenciji lica koja aktivno traže zaposlenje u Zavoda, izuzev lica pod tačkom (4) poglavlja 2. ovog Javnog poziva;
- e) lica ili članovi njihovih domaćinstava (suprug/a, djeca ili roditelji) koja su već koristila sredstva po programu samozapošljavanja Odjeljenja i Odjeljenja za privredni razvoj, sport i kulturu, osim u slučaju da je ugovor o samozapošljavanju istekao i da lice, koje ostvari podsticajna sredstva po ovom Programu, neće obavljati istu djelatnost koju je obavljalo, odnosno, onu koju je obavljao neko od članova njegovog domaćinstva i za istu je takođe ostvario podsticajna sredstva;
- f) lica koja su, u periodu od 12 mjeseci prije objavljivanja Javnog poziva, odjavila registrovanu djelatnost.



- (2) Kriteriji navedeni u poglavlju 3. tačka (1) ovog člana su eliminatornog karaktera i zahtjevi koje podnesu navedena lica se neće uzimati u razmatranje.

4. SREDSTVA ZA REALIZACIJU PROGRAMA

(1) Ukupan iznos sredstava za realizaciju Programa u iznosu od 500.000,00 KM obezbijeđen je Budžetom Brčko distrikta BiH za 2020. godinu u Odjeljenju na ekonomskom kodu 614141 - Tekući transferi za javne fondove „Transfer Zavodu za zapošljavanje Brčko distrikta BiH za realizaciju programa samozapošljavanja u poljoprivredi po prijedlogu programa Odjeljenja za poljoprivredu, šumarstvo i vodoprivredu“.

(2) Iznos sredstava po jednom projektu za aplikante iz poglavlja 2 ovog Javnog poziva ne može biti veći od 20.000,00 KM.

5. REALIZACIJA PROGRAMA

Program će biti realizovan:

- (1) Javnim pozivom, koji je integralan što podrazumijeva da se prijavom na javni poziv aplikanti prijavljuju i na obuku iz oblasti preduzetništva s ciljem osposobljavanja za pripremu i izradu poslovnog plana, nakon koje slijedi izbor aplikanata koji imaju najbolje poslovne ideje razrađene poslovnim planom.
- (2) Lica koja su završila obuku iz oblasti preduzetništva u poljoprivredi koju je organizovalo Odjeljenje po Programu samozapošljavanja u poljoprivredi za 2018. i 2019. godini, i lica koja su prošla obuku po Programu samozapošljavanja iz 2015., 2016., 2017., 2018. i 2019. godine koju je organizovalo Odjeljenje za privredni razvoj, sport i kulturu, nisu obavezna prisustvovati obuci koju će organizovati Odjeljenje za 2020. godinu po ovom Programu.
- (3) Zavod će aplikante obavijestiti o terminu održavanja edukacije, koja će trajati 9 dana (tri modula po tri dana), isključivo putem web-stranice Zavoda i Odjeljenja.
- (4) Aplikanti su u obavezi, nakon sprovedene obuke, u roku od 15 dana dostaviti poslovni plan Odjeljenju putem protokola Vlade Brčko distrikta BiH.
- (5) Komisiju za ocjenivanje (u daljem tekstu Komisija) će činiti dva predstavnika Odjeljenja i jedan predstavnik Zavoda, koju imenuje šef Odjeljenja.
- (6) Komisija je dužna da, u roku od 15 (petnaest) dana, od dana preuzimanja poslovnih planova, razmotri i rangira prispjele aplikacije prema kriterijima, koji će biti vrednovani u rasponu od 15 do 30 bodova.
- (7) Kriteriji na osnovu kojih će se vrednovati aplikacije su:
 - a) značaj projekta i njegov doprinos poboljšanju uslova za razvoj – ocjena poslovne ideje;
 - b) vrsta djelatnosti;
 - c) doprinos projekta stavarjanju uslova za zapošljavanje i mogućnost dodatnog zapošljavanja u naredne dvije godine;
 - d) ocjena biznis plana;
 - e) obezbijeđeno sufinsaniranje projekta iz sopstvenih i iz drugih izvora kako novčano tako i materijalno;
 - f) obezbijeđena ekonomičnost projekta – održivost projekta;
 - g) sporazumi, predugovori za saradnju i posao, postojanje tržišta za djelatnost kojom se namjerava baviti.
- (8) Prioritet pri odabiru imaju aplikanti starosti do 30 godina, do momenta objave Javnog poziva.
- (9) Na osnovu navedenih kriterija, Komisija je dužna da kreira obrazac za vrednovanje pristiglih poslovnih planova.
- (10) Komisija sačinjava prijedlog liste o rangiranju aplikanata iz poglavlja 2. tačka (1) i liste aplikanata iz poglavlja 2. tačka (4) ovog Javnog poziva, koju objavljuje na oglasnoj tabli i web-stranici Zavoda i Odjeljenja. Lista sadrži ime i prezime aplikanta, broj bodova i predložene iznose. Na predloženu listu se može uložiti prigovor u roku od sedam dana od dana objavljivanja.
- (11) Prigovor se podnosi Upravnom odboru Zavoda, putem protokola Zavoda.



- (12) Pristigle prigovore Zavod dostavlja Komisiji iz poglavlja 5, tačka (5) Javnog poziva na razmatranje i očitovanje, koja je u obavezi pismenim putem očitovanje dostaviti Upravnom odboru Zavoda.
- (13) Nakon donošenja konačne odluke Drugostepene komisije po prigovoru/ima, Komisija utvrđuje konačnu listu rangiranih kandidata, koja će biti objavljena na oglasnoj tabli i web stranici Zavoda i Odjeljenja.
- (14) Aplikanti koji podnose prijavu po Programu samozapošljavanja, uz istu prilažu izjavu o ispunjavanju uslova iz Javnog poziva.

6. ISPLATA ODOBRENIH SREDSTAVA

- (1) Nakon donošenja konačne liste rangiranih kandidata, Zavod sa istima zaključuje ugovor o dodjeli novčanih sredstava za finansiranje po ovom Javnom pozivu.
- (2) Zavod može, nakon upisa u sudski registar i zaključivanja Ugovora, odabranim korisnicima isplatiti 30 % odobrenog iznosa, a preostali iznos nakon pravdanja odobrenih sredstava dostavljanjem odgovarajuće dokumentacije.

7. OBAVEZE KORISNIKA SREDSTAVA

- (1) Saglasno članu 4. Programa samozapošljavanja u poljoprivredi na području Brčko distrikta BiH u 2020. godini, te člana 26. Pravilnika Zavoda o mjerama za podsticaj zapošljavanja, korisnici Programa imaju obaveze kako slijedi:
 - a) korisnici Programa iz poglavlja 2. tačka (1), ovog Javnog poziva, dužni su da dvije godine poslije datuma izdavanja sudskog rješenja o osnivanju poslovног subjekta, aktivno obavljaju djelatnost za koju su registrovani,
 - b) korisnici Programa iz poglavlja 2. tačka (4), ovog Javnog poziva, dužni su da dvije godine poslije potpisivanja ugovora sa Zavodom, aktivno obavljaju djelatnost za koju su registrovani
 - c) redovno izmiruju obaveze po osnovu poreza i doprinosa,
 - d) ukoliko Korisnik sredstava ne ispoštuje ugovorene obaveze, neće moći učestvovati u programima samozapošljavanja / zapošljavanja koji se finasiraju iz Budžeta Brčko distrikta BiH u narednih pet godina,
 - e) Zavod može, u skladu sa Zakonom o finansijskom poslovanju Brčko distrikta BiH, ugovoriti da mu Korisnik sredstava preda neki od instrumenata obezbjeđenja ili da povrat sredstava obezbijedi na neki drugi način u skladu sa zakonom,
 - f) ukoliko Korisnik sredstava ne ispoštuje ugovorne obaveze, ima obavezu da vrati cijelokupan iznos dobijenih sredstava.

8. ROK ZA PODNOŠENJE ZAHTJEVA

- (1) Javni poziv počinje teći od 05.01.2020. godine i završava se 14.01.2021. godine a biće objavljen na web stranici Zavoda i Odjeljenja.
- (2) Tekst Javnog poziva i prijavu sa prilozima zainteresovana lica mogu preuzeti sa web stranice Zavoda www.zzzbrcko.org ili u Zavodu, kao i sa stranice Odjeljenja.
- (3) Prijavu na Javni poziv (sa Izjavom), predaje aplikant lično u Zavodu.
- (4) Dodatne informacije mogu se dobiti direktno u Zavodu, na telefon broj 049-217-411 ili u Odjeljenju.
- (5) Nepotpune i neblagovremeno dostavljene prijave smatraće se nevažećima.
- (6) O rezultatima Javnog poziva aplikanti će biti obaviješteni putem web stranice Zavoda i Odjeljenja.



Predsjednik Upravnog odbora

/ Rasim Smajlović, dipl. pravnik /